



№36-37  
2019-йил, 7-май  
Сешанба (32.527)

Ijtimoiy-siyosiy gazeta

1918-йил 21-iyundan chiqq boshlagan

Улуғлардан улуғимсан, Ватаним!

# O'zbekiston O'VOZI

Ўзбекистон Республикаси Президентининг «Тиббиёт ва фармацевтика таълими ва илм-фани тизимини янада ривожлантириш чора-тадбирлари тўғрисида»ги қарорини газетамиз сайтида ўқшингиз мумкин.

## ЯНГИ ТАШАББУС ВА КЕНГ ИМКОНИАТЛАРДАН САМАРАЛИ ФЙДАЛАНИШ – БАРҚАРОР ИҚТИСОДИЁТ ВА ЮҚОРИ ДАРОМАД МАНБАИ

Ўзбекистон Республикаси Президенти Шавкат Мирзиёев ҳудудларни ижтимоий-иқтисодий ривожлантириш, амалга оширилаётган бунёдкорлик ишлари ва аввал берилган топшириқлар ижроси билан танишиш мақсадида 6 май куни Фарғона вилоятига келди.

Давлатимиз раҳбарининг ўтган йили 12-13 июнь кунлари вилоятга ташрифи чоғида ҳудудни ижтимоий-иқтисодий ривожлантириш бўйича муҳим вазифалар белгилаб берилган эди. Шу давр мобайнида мазкур масалалар ижросига алоҳида эътибор қаратилди.

2018 йилда вилоятга 152,7 миллион АҚШ доллари миқдоридagi тўғридан-тўғри хорижий инвестициялар жалб этилди. Натижада қўшма корхоналар сони 80 тага кўпайиб, 283 тага етди. Жорий йил январь-март ойларида 66 миллион долларлик хорижий инвестициялар ўзлаштирилиб, «Winchemical», «Listem-Fergana» каби қўшма корхоналар ишга туширилди.

Президентимиз дастлаб Фарғона нефтни қайта ишлаш заводида ташриф буюрди.

Мазкур корхона ўз вақтида Фарғона водийсидаги нефть конларини ўзлаштириш ва минтақа давлатларига нефть маҳсулотларини етказиб бериш мақсадида бунёд этилган. У ҳозирги кунда ҳам углеводород хомашёсини қайта ишлаш бўйича мамлакатимиздаги йirik мажмуалардан биридир. 475 гектар ер майдони, 52 та технологик объект унинг улкан салоҳиятидан далолат беради.

Лекин техника ва технологиялар эскиргани, ишлаб чиқариш асосан импортта боғлиқ бўлгани сабабли корхона кейинги ўн йилда ўзини оқламаётган эди. Йиллик лойиҳа қуввати 6 миллион 450 минг тонна бўлгани ҳолда, ишлаб чиқариш бор-йўғи 30 фоизга тушиб қолганди.

Давлатимиз раҳбари жорий йил 21 февраль куни нефть-газ ва кимё саноатини ривожлантириш масалалари бўйича ўтказилган йиғилишда Фарғона нефтни қайта ишлаш заводини инвесторларнинг ишончли бошқарувига бериш вазифасини қўйган эди. Шунга мувофиқ, 10 апрелда «Фарғона нефтни қайта ишлаш заводини тўғридан-тўғри хорижий инвестицияларни жалб қилган ҳолда модернизация қилиш чора-тадбирлари тўғрисида»ги Президент қарори қабул қилинди.

Модернизация жараёни Индонезиянинг «PT Trans Asia Resources» компанияси билан ҳамкорликда уч босқичда амалга оширилди. Соҳада катта тажрибага эга жаҳон бозорига ушбу компаниянинг ўз ўрни бор. Бу заводни хомашё билан барқарор таъминлаш, уни жаҳон стандартлари асосида қайта ишлаб, ички ва ташқи бозорга етказиб беришга хизмат қилади. Келгусида етакчи халқаро компаниялардан иборат бўлган консорциум ташкил этиш режалаштирилган.

Заводга жорий йилнинг ўзида камида 300 миллион доллар тўғридан-тўғри инвестиция жалб этилади. Бу маблаг эвазига икки ой давомда ҳозирда ишламай турган 11 қурилманинг 7 тасидан фойдаланиш тикланади. Бунинг натижасида 7 минг 100 та иш ўрни сақлаб қолинади. Шунингдек, завод икки баробар кўпроқ хомашё билан таъминланади. 2020 йилдан бошлаб «Евро-4», «Евро-5» каби юқори сифатли дизель ёқилғиси ишлаб чиқаришга эришилади. Маҳсулотлар таннархи тушиб, сифати оширилиши натижасида вилоятнинг экспорт салоҳияти янада юксалади.

Умуман, лойиҳа доирасида 2022 йилгача камида 875 миллион доллар тўғридан-тўғри инвестициялар

жалб этилади. Бу 60 йилдан буён ишлаб келаётган Фарғона нефтни қайта ишлаш заводи ва 110 йиллик тарихга эга Олтиариқ нефтни қайта ишлаш корхонасини замонавий мажмуаларга айлантириш, уларда экспортбop маҳсулотлар ишлаб чиқариш имконини беради.

Энг муҳими, яна кўплаб заводлар, айниқса, ёшлар иш билан таъминланади. Солиқ тушуми ойига қўшимча 100 миллиард сўмга ошади.

Шавкат Мирзиёев завод ишчилари ва инвесторлар билан суҳбатлашди.

Асосий мақсад корхонани тўлиқ қувват билан ишлатиш, одамларни иш билан таъминлаш. Бу Фарғона нефтни қайта ишлаш заводининг янги даври бўлади, деди давлатимиз раҳбари.

Заводга хомашё олиб келиш, ишлаб чиқариш ҳажминини ошириш бўйича қўшимча топшириқлар берилди.

Президентимиз Қўштепа туманидаги «Ипак гиламлар» корхонасида бўлиб, хотин-қизлар бандлигини таъминлаш бўйича амалга оширилаётган ишлар билан танишди.

Давлатимиз раҳбари илгари сурган бешта муҳим ташаббусдан сўнггиси аёлларнинг бандлигини таъминлаш орқали уларга тўлақонли турмуш шароити яратишга қаратилган. Ушбу ташаббусни амалга ошириш учун ҳар бир туманда енгил конструкцияли тикув-трикотаж корхоналари ташкил этиш кўзда тутилган. Ушбу корхоналарга биринчи навбатда боқувчисини йўқотган, турмуши оғир хотин-қизлар, шунингдек, кўп болали аёллар ишга жалб қилинмоқда.

Уттан даврда тикув-трикотаж корхоналарига ишга жалб қилинган аёллар қисқа муддатли ўқув курсларида ўқитилди. Уларга ўқиш давомида стипендия берилди, ўқитувчилар ойлик маош билан таъминланди.

Фарғона вилоятида ҳам бешинчи ташаббус доирасидаги ишлар кенг қулоч ёймоқда. «Ўзбекпахтасаноат» АЖ томонидан жорий йилда вилоятда 7 та, 2020 йилда 8 та тикув-трикотаж корхонаси ташкил этилади. Натижада 4,5 мингта янги иш ўрни яратилиб, аёллар бандлиги таъминланади.

«Ўзбекипаксаноат» уюшмаси томонидан ҳам вилоятда мавсумий ва доимий иш ўринлари яратиш мўлжалланган. Уюшма пилла етиштиришдан тайёр маҳсулот чиқаришгача бўлган жараёни кластер усулида ташкил этиш орқали ипак маҳсулотлар ишлаб чиқаришни кенгайтиришни режалаштирган. Уюшма томонидан 2019 йилда вилоятда хотин-қизларни касаначиликка жалб этиш орқали 30 минг иш ўрни яратиш кўзда тутилган.

Аҳамиятлиси, бир мавсум давомида пиллакорларга бир йиллик меҳнат стажи ёзилади. Илгари уларга на маош тўланган, на меҳнат стажи ёзилган. Ҳозир аёллар буюртма олиб, уйда ишлаш имкониятига эга бўлди. Бундай амалиёт мамлакатимизнинг барча ҳудудларида жорий қилинмоқда.

«Ипак гиламлар» корхонаси Қўштепа туманидаги «Исмоилжон гиламлари» масъулияти чекланган жамиятининг филиали бўлиб, бу ерда 200 нафар, жамият таркибидаги 9 та шундай корхонада жами 2 мингта қич хотин-қиз меҳнат қилмоқда. Ушбу корхоналарда атлас, адрас ва шойидан 300 га яқин турдаги тайёр маҳсулот, 400 дан ортиқ нусхадаги ипак гиламлар тўқилмоқда.

Президентимиз ипак гиламлар эскизини тайёрлаш ва тўқиш жараёнини кўздан кечирди, маҳсулотлар сифати ва харидорчилиги билан қизиқди.

Давоми 2-бетда. ▶



«Аждодларни хотирлаш — муқаддас қадрият» шиори остида ташкил этилаётган декада доирасидаги «Шараф лентаси»ни улаштириш акцияси Наманганда ҳам ўтказилди. Ўзбекистон мудофаасига кўмаклашувчи «Ватанпарвар» ташкилоти ҳамда Ёшлар иттифоқи вилоят кенгаши томонидан ташкил этилган тадбирга Иккинчи жаҳон уруши қатнашчилари Абдусалом ота Раҳмонов ва Сайфуддин ота Нуриддиновлар тақлиф этилди.

Тинчлигимиз ва бугунги ёруғ кунларимиз учун жон фидо қил-

ган ватандошларимиз, Иккинчи жаҳон урушида ҳалок бўлган аждодларимиз хотирасини ёд этиш, шунингдек, ёшлар онгига инсонни қадрлаш, унинг хотирасини ёд этиш ва шарафлаш улуг иш эканини сингдириш мақсадида қаратилган акцияда ҳарбий оркестрнинг Ватани, тинчликни мадҳ этувчи қўй-қўшиқлари садоси остида «Шараф лентаси» ёшу кексага тарқатилди.

Ўза фотомухбири  
Ҳотам МАМАДАЛИЕВ олган сурат.

## Ўзбекистон Республикаси Олий Мажлиси Сенатининг ўн тўққизинчи ялпи мажлиси тўғрисида АХБОРОТ

2019 йил 4 май куни Тошкент шаҳрида Ўзбекистон Республикаси Олий Мажлиси Сенатининг ўн тўққизинчи ялпи мажлиси иши давом эттирилди.

Унда ҳукумат аъзолари, вазирлик ва марказий идоралар раҳбарлари, мамлакатимиз ва хорижий оммавий ахборот воситалари вакиллари иштирок этдилар.

Давоми 3-бетда. ▶

## Ўзбекистон Республикаси Марказий банки ахбороти

Ўзбекистон Республикаси Марказий банки 2019 йил 7 майдан бошлаб валюта операциялари бўйича бухгалтерия ҳисоби, статистик ва бошқа ҳисоботларни юритиш, шунингдек, божхона ва бошқа мажбурий тўловлари учун хорижий валюталарнинг сўмга нисбатан қуйидаги қийматини белгилади:

- 1 АҚШ доллари 8448,89
- 1 ЕВРО 9462,76
- 1 Россия рубли 129,81
- 1 Англия фунт стерлинги 11128,03
- 1 Япония иенаси 76,05
- 1 Жанубий Корея вонини 7,26
- 1 Кувейт динори 27811,61
- 1 Малайзия рингити 2040,30
- 1 Хитой юани 1254,72
- 1 Сингапур доллари 6211,05
- 1 Швейцария франки 8312,56
- 1 БАА дирҳами 2300,39
- 1 Миср фунти 493,22
- 1 Австралия доллари 5933,66
- 1 Туркия лираси 1419,24
- 1 СДР 11685,58
- 1 Канада доллари 6295,75
- 1 Украина гривнаси 319,55
- 1 Польша злотийси 2213,26

\*) Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмаган.

## Самарқанд давлат медицина институти талабалари

халқаро анжуманда Ўзбекистон шарафини ҳимоя қилиб, мутлақ голиб бўлиши

Хушхабар!



Рязан давлат медицина университетидида ташкил этилган «Болалар хирургияси ва анестезиологиясининг долзарб муаммолари»га бағишланган илмий-амалий анжуманда Ўзбекистон, Россия, Қозоғистон, Украина, Беларусь каби давлатларнинг олтинчидан ортиқ медицина олий ўқув юрталарининг икки юздан зиёд талабалари баҳслашдилар.

Халқаро анжуманда Самарқанд давлат медицина институти жамоаси аъзолари Дилшод Пўлатов 1-урини, Шаҳзод Шамсиев, Исмоилжон Аҳмедов, Бобур Абдувоитов, Уктамоҳ Носиров 2-урини, Акбар Ириқуллов, Маҳмуджон Раҳимов 3-урини қўлга киритди.

Анжуман ҳакамлар ҳайъатининг қарори билан Самарқанд

давлат медицина институти талабалари умумжамоа ҳисобида мутлақ голиб бўлдилар. 1-даражали диплом ва олтин медал билан тақдирландилар.

Самарқанд давлат медицина институти ректори, профессор Азамат Шамсиев ташаббуси билан анжуман доирасида Самарқанд давлат медицина институти ва Рязан давлат медицина университети ўртасида таълим ва илмий ҳамкорлик тўғрисида Меморандум имзоланди. Унга асосан ҳар иккала олий ўқув юрталари профессор-ўқитувчилари Рязан ва Самарқандда ўз малакаларини оширадилар. Шу билан биргаликда талабаларга ҳам академик мобиллик асосида таълим олиш имконияти яратилди.

Фахрулло ҲАМИДУЛЛАЕВ













